



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Patris Gonzali Sylveriae, Societatis Iesv Sacerdotis

Godinho, Nicolao

Coloniae Agrippinae, 1616

Aßiduo virtutum exercitio animum excolit. Cap. IV.

urn:nbn:de:hbz:466:1-44032

§6 VITAE GONZALI SYLVERIAE.

egregio tyroni acerbè se incusandi opportuna oca-
casio, deq; animi submissione, & paupertatis virtu-
te benè merendi copiosa seges. Quoties enim horis
matutinis thoracem sumebat in manus, vt illo se in-
dueret, assidua hæc erat induentis vox; Hem miser,
& ærumnose, quid rebus adhuc inanibus tam te-
naciter hæres? quando remitte s nuntium vanitati
tuę? Non te pudet Aegypti spolia cum religiosa pau-
pertate coniungere? Quæ conuentio lucis ad tene-
nebras, & Christi ad belial? Ea spiritus istos iam de-
pone planè tumidos, & qui te religiosæ disciplinæ
addixisti, incipe tandem religiosè viuere. Hæc sibi
Gonzalus, idq; genus alia tam seuerè obijciebat, tā-
toq; virtutis studio sese in rebus omnibus infecta-
batur, vt sœuissimus sui ipsius carnifex haberetur.

*Affiduo virtutum exercitio animum
excolit.*

C A P. I V.

A PRIMO ingressus sui in Tyrocinium die, in
eam curam & cogitationem incubuit, vt do-
mino ieiunijs, vigilijs, verberibus corpore & auulsis
penitus prauarum affectionum ab animo radicibus,
nihil prætermitteret quod ad excolendam veris so-
lidisque virtutibus mentem vlla ex parte conduce-
ret. Erat in operibus pietatis inter primos; in demit-
tendo sese ac despiciendo nulli secundus; si quid es-
set, ex quo ab alijs illudi & contemni posset, ad id,
vti ad destinatum sibi à natura locum, grauium ac
leuium corporum in morem, insito quodam impul-
su ferri videbatur. Qüę hoc in genere præstigit, adeò
magna sunt & ardua, vt ea quiuis mirari potius de-
beat, quam æmulari. Nam & superciliosa aliquando
sibi

sibi abrasit, ut fieret deformis, & inuisus; & stultiam vultus mutatione ac gestu corporis nonnunquam simulauit, ut despiciatur duceretur. Erant in Conimbricensi Collegio AEthiopica quædam, vel Indica seruitia ad usum culinæ atq; ad alia domestica officia dono data. Hæc Gonzali curæ cōmissa, ut ijs necessaria animo & corpori ministraret. Illum crederes ipsorum mancipiorum esse mancipium, tanta in eorum famulatū sollicitudine incumbebat. Si quando aliquod ex ijs incidebat in morbum, lectuni illi sternere, medicamenta adhibere, cibos apponere, & manu sua, cum erat opus, in os inferre; nihil prætermittere, in quo exultare caritas, & Christiana humilitas possent. Inter hæc tamen officia præferebat vultu eximię cuiusdā internę hilaritatis aperta signa, ut tanq; hilaris dator diligeretur à Deo; deq; studio orādi nihil prorsus intermittebat, cum impedito externis operibus corpore, diuina animo volutaret, & interim dum mancipia ederent, non nihil ab eorum conspectu secedens sese in preces funderet. In cultu corporis erat exquisitè negligens sui: consultò sinebat vestes sordescere, & bestiolas ex sordibus gigni visu foedas, & morsu molestas, quò noxius esset sibi, & ingratus alijs. Bestiolarum tanta erat copia, ut ex corpore ipso, atq; ex vestium commissuris, veluti ex cauernis cateruatum erumperent foras, nec sine aliqua intuentiū nausea in conspectū sedarent. Monitus aliquando à Comite Iacobo nē tale pecustā curiose pafceret, à quo & torqueretur ipse, & aliorum oculi abhorrent; Hæc ego, inquit, animalcula Comitatui tuo longè antepono. Dum enim illa mihi submissionis animi, & tolerantiae materiam præbent, æterna bona consequendi magnam offerūt opportunitatem. Comitatus tuus quid

B

habet

18 VITAE GONZALI SYLVERIAE
habet boni? Terrena quædā miseria est. Simile acci-
pimus de re eadem dedisse responsū Ioanni Soario
Arganilio Comiti & Conimbricensi Antistiti: simi-
le alijs illustribus viris, quos eius miseratio ad eum
in onendum commouebat. Sæpè domi lateres, & cæ-
menta, vt solent viles operæ, ad Conimbricensis col-
legij, quod tunc ædificabatur, structurā humeris ve-
ctabat. Sæpè prodibat in publicū, vt videntibus lu-
dibrio fieret, lacera & attrita ueste induitus, ad sine
pallio; vrbisq; vicos & plateas pererrās ostiatim vi-
tū queritabat. Sæpe etiam eodem corporis habitu
agasonem agebat, perq; median vrbem ad Mundæ
fluminis ripas ducebat asellū; collecta ibi ad usum
fabricę, receptaq; in facos arena, reducebat onera-
tum; effusa ad spectandum populari turba, in qua si-
mul erat amici, & noti; interdumq; aliqui ex iis, qui
in eius famulatu fuerāt; atq; hi rubore simul & stu-
pore pleni ab occursu pedem, à spectaculo oculos
retrahebant. Contigit aliquando, vt iumentum a-
gens, Aluaro fratri improvisus inopinatusq; occur-
reret. Aluarus subita præoccupatus verecundia, vul-
tumq; demittens, neq; prætereuntem salutauit, neq;
intueri ausus est. Gonzalus contrà lætitia gestiens,
solito agasonis more, & voce simul, & virga asinum
ad progrediendum excitauit, reputas apud se turpe
esse, in iis quæ Dei amore fiunt, vt natura sua vilissi-
ma sint, & humanis oculis foeda, ullò modo vere-
cundari. Solis quippe vitiosis operibus deberi podo-
rem, qui proprius est peccati comes: Religioso aut
semper esse decora, quæ pietatis caussa & religiose
fiunt; quod scriptum reliquit magnus ille Basilius,
quem religionum parētem verè possunius appella-
re. De corporalibus enim religiosorum hominum
ministerijs sermonē instituens, religiosè docet non
esse

esse viro Deo dicato indecorum, instar agasonis a-
gere iumenta cùm res postulat; id enim Christi A-
postolos fecisse, cùm eiusdem Christi iussu asinum
ad ipsum adduxere, vt eo insidens, triumphantis
more, Hierosolymorum vrbem ingrederetur.

*Animarum saluti operam natans asperam tenet
viuendi rationem.*

C A P. V.

DVM ad excolendum hisce virtutum operibus
animum sedulò Gonzalus incumberet, literas,
quibus interim, operam dabat, nulla ex parte negle-
xit: quin potius ita virtutis & sapientiae studia con-
iunxit, vt maximos utraq; in re progressus ficerit.
Quamquam verò semper illi animarum salus caris-
fima fuit; nec quidquā contrà prætermiscebatur, quod
ad spiritualem proximorum utilitatē quoquo mo-
do conferret; imposito tamen literarum studijs fine,
ex umbra veluti in arenam prodiens, ad rem Chri-
stianam vitæ exemplo, & concionatorijs exhorta-
tionibus promouendam, totum se ac penitus con-
uertit. Non uno verò, aut altero tantum consistebat
loco; sed Lusitaniae vrbes, oppida, pagos, atq; ipsas e-
tiam agricolarū villas, & pastorum casas frequenter
peragrabat. Nullis item occupationibus distentus
hac iuuandi mortales rationē intermittebat, si qui-
dē non solum tū, cum erat priuatus, sed etiā cū supe-
rioris officio fungebatur, alijs se negotijs exoluēs,
verbi diuini disseminandi causa, in vicina vrbis loca
excurrebat. Cæterū cassum à concionum labori-
bus corpus ita erat solitus tractare, vt perire tantum
nō sineret. Cū esset Conimbricæ, domū se ē pulpite
recipiēs, cibarij panis frustū à promo cōdo petebat,